



Grad Sarajevo
City of Sarajevo

Bosna i Hercegovina
Federacija Bosne i Hercegovine
Kanton Sarajevo
Grad Sarajevo
GRADONAČELNIK

PRAVILNIK
o upotrebi mobilnih telekom usluga i dozvoljenim troškovima
korištenja mobilnih telekom usluga u Gradu Sarajevu

Sarajevo, decembar 2025. godine

Adresa: Hamdije Kreševljakovića 3
71 000 Sarajevo
Tel.: +387 33 407 443
Fax: +387 33 208 341
Email: grad@sarajevo.ba
Web: www.sarajevo.ba



Na osnovu člana 79. Statuta Grada Sarajeva („Službene novine Kantona Sarajevo“, broj 7/23), gradonačelnik Grada Sarajeva donosi:

PRAVILNIK
o upotrebi mobilnih telekom usluga i dozvoljenim troškovima
korištenja mobilnih telekom usluga u Gradu Sarajevu

Član 1.

(Predmet)

Pravilnikom o upotrebi mobilnih telekom usluga i dozvoljenim troškovima korištenja mobilnih telekom usluga u Gradu Sarajevu utvrđuje se visina troškova na ime korištenja usluga javnih mobilnih telekomunikacijskih operatera (u daljnjem tekstu: mobilnih telekom usluga) u Gradu Sarajevo u službene svrhe korištenjem pretplatničkih brojeva u vlasništvu Grada Sarajeva, službene osobe koje imaju pravo na službenu upotrebu predmetnih usluga, način ostvarivanja ovog prava, kao i visina troškova za korištenje ove vrste usluga koje snosi Grad Sarajevo, način naplate prekoračenja utvrđenog i odobrenog iznosa, te prava i obaveze korisnika mobilnih telekom usluga.

Član 2.

(Rodna ravnopravnost)

Izrazi koji su u ovom Pravilniku radi preglednosti dati u jednom gramatičkom rodu bez diskriminacije, se odnose i na muški i na ženski rod.

Član 3.

(Korisnici mobilnih telekom usluga)

- (1) Pravo na korištenje mobilnih telekom usluga u službene svrhe imaju:
 - gradonačelnik Grada Sarajeva;
 - zamjenici gradonačelnika Grada Sarajeva;
 - državni službenici i namještenici Grada Sarajeva za koje gradonačelnik Grada Sarajeva posebnim rješenjem odluči da im je korištenje mobilnih telekom usluga potrebno u službene svrhe, odnosno u svrhu boljeg i efikasnijeg izvršavanja poslova i radnih zadataka.
- (2) Za izradu rješenja o korištenju mobilnih telekom usluga u službene svrhe zadužena je Stručna služba za poslove kabineta i poslove Gradske uprave – Odjeljenje za kabinetske poslove.
- (3) Korisnici mobilnih telekom usluga kojima Grad Sarajevo, u skladu sa ovim Pravilnikom, plaća troškove do iznosa utvrđenog u članu 4. ovog Pravilnika, obavezno potpisuju pismenu izjavu kojom izjavljuju da su saglasni da Grad Sarajevo postaje vlasnik pretplatničkog broja.

Član 4.

(Maksimalna visina troškova)

- (1) Visina troškova korištenja mobilnih telekom usluga, koje će snositi Grad Sarajevo za lica navedena u članu 3. ovog Pravilnika, utvrđuje se prema iznosu kako slijedi:
 - Izabrani funkcioneri Grada Sarajeva (gradonačelnik Grada Sarajeva, zamjenici gradonačelnika Grada Sarajeva, predsjedavajući Gradskog vijeća Grada Sarajeva,

zamjenici predsjedavajućeg Gradskog vijeća Grada Sarajeva i pravobranilac Grada Sarajeva – **do 115,00 KM**

- državni službenici i namještenici navedeni u članu 3. stav (1) alineja 3. u iznosu **do 25,00 KM** (vozači i kuriri kojima se to pravo utvrdi rješenjem), odnosno **do 45,00 KM** (rukovodni državni službenici i ostali državni službenici i namještenici kojima se to pravo utvrdi rješenjem).
- (2) Licima navedenim u članu 4. stav (1) alineja 2. izuzetno će određeni iznos prekoračenja visine utvrđenih troškova korištenja mobilnih usluga u službene svrhe snositi Grad Sarajevo na osnovu podnesenog i detaljno obrazloženog zahtjeva, u prilogu kojeg će se nalaziti faktura/račun mobilnog operatera za mjesec na koji se podnosi zahtjev odnosi i precizno navedeni period službenih potreba zbog kojih je došlo do uvećanja ovih troškova.
- (3) Zahtjev iz stava (2) ovog člana Pravilnika podnosi se nadležnoj Službi iz člana 6. stav (3) ovog Pravilnika, a koja kompletan predmet zajedno sa datim mišljenjem po podnesenom zahtjevu dostavlja gradonačelniku Grada Sarajeva radi davanja konačne saglasnosti, nakon čega će se izraditi rješenje na način kako je to propisano ovim Pravilnikom.
- (4) Troškovi odobrenih iznosa za korištenje mobilnih telekom usluga plaćaju se iz budžeta Grada Sarajeva do iznosa utvrđenim ovim Pravilnikom

Član 5.

(Pretplatnički broj za internet saobraćaj)

- (1) Gradonačelnik Grada Sarajeva za potrebe službenih putovanja može da odobri korištenje pretplatničkog broja u vlasništvu Grada Sarajeva koji je isključivo namijenjen za internet saobraćaj.
- (2) O pravu korištenja novog pretplatničkog broja u vlasništvu Grada Sarajeva koji je isključivo namijenjen za internet saobraćaj i koji se isključivo koristi prilikom službenih putovanja odlučuje gradonačelnik Grada Sarajeva posebnim rješenjem.
- (3) Za izradu rješenja o korištenju pretplatničkog broja za internet saobraćaj zadužena je Stručna služba za poslove kabineta i poslove Gradske uprave – Odjeljenje za kabinetske poslove.

Član 6.

(Korištenje mobilnih telekom usluga od strane ostalih državnih službenika i namještenika)

- (1) Neposredni rukovodioci mogu uputiti detaljno obrazložen prijedlog gradonačelniku Grada Sarajeva za donošenje Rješenja o korištenju mobilnih telekom usluga u službene svrhe državnom službeniku ili namješteniku za koga ocijene da je u njegovom radu neophodan zbog prirode posla i ako nastala situacija to zahtijeva.
- (2) Cijeneći obrazloženje iz stava (1) ovog člana Pravilnika, gradonačelnik Grada Sarajeva će posebnim rješenjem odlučiti o podnesenom prijedlogu i visini troškova korištenja mobilnih telekom usluga koji će se odobriti.
- (3) Za izradu i kontrolu rješenja izdanih na osnovu saglasnosti gradonačelnika zadužena je Stručna služba za poslove kabineta i poslove Gradske uprave – Odjeljenje za kabinetske poslove.

Član 7.

(Kontrola troškova korištenja mobilnih telekom usluga)

- (1) U slučaju prekoračenja odobrenog iznosa troškova ili u slučaju korištenja dodatnih usluga (plaćanje parkinga, poziv na humanitarni broj, dopuna prepaid paketa i slično), naplata tog potraživanja će se izvršiti obustavom plaće u visini prekoračenog iznosa, koja slijedi nakon izvršenog prekoračenja, odnosno dostave mjesečnog računa.
- (2) Praćenje i obračun troškova nastalih korištenjem mobilnih telekom usluga vršit će Stručna služba za poslove kabineta i poslove Gradske uprave – Odjeljenje za informatičke poslove, a po osnovu ispostavljenih faktura mobilnog operatera, te dostavljati mjesečne izvještaje (tabela) o prekoračenju odobrenog limita Gradskoj službi finansija.

Član 8.

(Način korištenja)

Korisnici mobilnih telekom usluga dužni su mobilne aparate držati uključene u toku i poslije radnog vremena i koristiti ih u službene svrhe.

Član 9.

(Nadzor)

Nadzor nad primjenom ovog Pravilnika vršit će Stručna služba za poslove kabineta i poslove Gradske uprave putem gradskih/stručnih službi koju će neposredni rukovodioci gradskih/stručnih službi pismenim putem obavijestiti o svim promjenama koje se odnose na korisnike ovih prava u roku koji ne može biti duži od pet (5) dana od dana nastale promjene, a naročito o:

- promjeni radnog mjesta
- odsustvu s posla zbog odobrenog plaćenog odsustva
- porodijsko odsustvo
- prestanku radnog odnosa
- nastupanju drugih opravdanih razloga zbog kojih prestaje potreba za korištenjem ovog prava
- drugi slični slučajevi.

Član 10.

(Nosioци funkcija Gradskog vijeća Grada Sarajeva)

- (1) Upotreba mobilnih telekom usluga i dozvoljeni troškovi korištenja mobilnih telekom usluga nosilaca funkcija Gradskog vijeća Grada Sarajeva i pravobranilaštva Grada Sarajeva, regulirat će se posebnim Pravilnikom kojeg će donijeti Administrativna komisija Gradskog vijeća Grada Sarajeva.
- (2) Za lica iz stava (1) ovog člana Pravilnika visina troškova korištenja mobilnih telekom usluga bit će usklađena sa odredbom člana 4. stav (1) alineja 1. ovog Pravilnika.
- (3) Rješenja o navedenom iz stava (2) ovog člana donijet će Administrativna komisija Gradskog vijeća Grada Sarajeva.

Član 11.

(Prestanak važenja propisa)

Stupanjem na snagu ovog pravilnika, prestaje da važi Pravilnik o upotrebi mobilnih telekom usluga i dozvoljenim troškovima korištenja mobilnih telekom usluga u Gradskoj upravi Grada

Sarajeva („Službene novine Kantona Sarajevo“, broj 21/23), kao i sva pojedinačna rješenja donesena na osnovu navedenog Pravilnika.

Član 12.

(Stupanje na snagu)

Ovaj pravilnik stupa na snagu narednog dana od dana objave u „Službenim novinama Kantona Sarajevo“.

GRADONAČELNIK

Samir Avdić, s.r

Broj: 01/14-04-6710/25

Sarajevo, 19.12.2025. godine